

«РЎЙХАТГА ОЛИНГАН»

MIRZO ULUG'BEK TUMANI HOKIMIYATI
TADBIRKORLIK SUB'EKTLARINI
RO'YXATDAN O'TKAZISH
INSPEKTSIYASI

RO'YXATGA OLINDI

2014 y. 11. 07 № 04-0000443



“O‘ZINTERIMPEKS” DATSK
акциядорларининг
2014 йил 26 июндаги
Умумий Йиғилишида
2014 йил 4 июлдаги
“15” сонли Баёни билан

«ТАСДИҚЛАНГАН»

“O‘ZINTERIMPEKS” DATSK
Бошқарув Раиси

Максудов А.И.

АКЦИЯДОРЛИК ЖАМИЯТИ ШАКЛИДАГИ
“O‘ZINTERIMPEKS” ДАВЛАТ АКЦИЯДОРЛИК ТАШҚИ САВДО КОМПАНИЯСИ
УСТАВИ

(янги тахрирда)

2014 йил

1-МОДДА. НОМИ, МАНЗИЛГОҲИ ВА ЮРИДИК МАҚОМИ

1.1. Ушбу устав Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида» ги қонунга мувофиқ ишлаб чиқилган.

1.2. Компаниянинг тўлиқ номи:

-ўзбек тилида:

-акциядорлик жамияти шаклидаги «О‘ZINTERIMPEKS» Давлат акциядорлик ташқи савдо компанияси;

-aksiyadorlik jamiyati shaklidagi «O‘ZINTERIMPEKS» Davlat aksiyadorlik tashqi savdo kompaniyasi;

-рус тилида: Государственная акционерная внешнеторговая Компания «УЗИНТЕРИМПЭКС» в форме акционерного общества;

-инглиз тилида: «UZINTERIMPEX» State Joint Stock Foreign Trade Company in the form Joint-Stock Company.

Қисқартирилган номи:

• ўзбек тилида:

- АЖ «О‘ZINTERIMPEKS» ДАТСК;

- АЖ «О‘ZINTERIMPEKS» DATSK;

• рус тилида: ГАВК «УЗИНТЕРИМПЭКС» АО

• инглиз тилида: «UZINTERIMPEX» SJSFTC JSC.

1.3. Компаниянинг почта ва юридик манзили: Ўзбекистон Республикаси, 100192, Тошкент шаҳар, Мирзо-Улугбек тумани, Мустақиллик шоҳ кўчаси 105 уй.

Веб-сайт: www.uzinterimpeks.uz

Электрон почта: info@uzinterimpeks.uz.

1.4. «О‘ZINTERIMPEKS» Давлат акциядорлик ташқи савдо компанияси, кейинчалик «Компания» деб номланади, «INNOVATSIYA» Давлат акциядорлик ташқи савдо компаниясидан Ўзбекистон Республикаси Вазирлар Маҳкамасининг 2002 йил 23 октябридаги 368 сонли қарорига мувофиқ қайта ташкил қилинган. «Компания» Ўзбекистон Республикаси Давлат Мулкни бошқариш ва тадбиркорликни қўллаб қувватлаш Давлат қўмитаси Тошкент шаҳар бошқармасининг «Инновация» РХХТСБ давлат корхонасини Давлат Акциядорлик Ташқи Савдо Компаниясига айлантириш тўғрисидаги 1996 йил 26 апрелидаги 170 пп-р сонли Фармойишига асосан ташкил этилган.

1.5. Компания юридик шахс бўлиб, у ўз мустақил балансида ҳисобга олинадиган алоҳида мол-мулкка, шу жумладан ўзининг устав фондига (устав капиталига) берилган мол-мулкка эга бўлади, ўз номидан мулкий ва шахсий номулкий ҳуқуқларни олиши ҳамда амалга ошириши, зиммасига мажбуриятлар олиши, судда даъвогар ва жавобгар бўлиши мумкин.

1.6. Компания мустақил балансга, Ўзбекистон Республикаси ҳудудида ва ундан ташқаридаги банкларда ҳисоб варақлари ва бошқа ҳисоб варақларга эга, ўзининг фирма номи давлат тилида тўлиқ ёзилган ҳамда жойлашган ери кўрсатилган юмалок муҳрга эга. Муҳрда бир вақтнинг ўзида фирманинг номи бошқа исталган тилда ҳам кўрсатилиши мумкин.

1.7. Компания ўзининг номи ёзилган штамп ва бланкаларга, ўз тимсолига, шунингдек белгиланган тартибда рўйхатдан ўтказилган товар белгисига ҳамда фуқаролик муомаласи иштирокчиларининг, товарларнинг, ишларнинг ва хизматларнинг хусусий аломатларини акс эттирувчи бошқа воситаларга эга бўлишга ҳақли.

1.8. Компания давлат рўйхатидан ўтказилган пайтдан эътиборан юридик шахс мақомига эга бўлади. Компаниянинг фаолият муддати чекланмаган.

1.9. Компания ўз мажбуриятлари юзасидан ўзига тегишли барча мол-мулки билан жавобгардир.

1.10. Компания ўз акциядорлари мажбуриятлари юзасидан жавобгар бўлмайди. Акциядолар Компания мажбуриятлари юзасидан жавобгар бўлмайдилар ва унинг фаолияти билан боғлиқ зиёнларни ўзларига тегишли акциялар қиймати доирасида кўтарадилар.

1.11. Давлат ва унинг органлари Компания ўз зиммасига олган мажбуриятлар юзасидан

жавобгар бўлмайдилар, худди шунингдек Компания ҳам давлат ва унинг органлари мажбуриятлари юзасидан жавобгар бўлмайди.

2- МОДДА. МАҚСАД ВА ФАОЛИЯТ ДОИРАСИ

2.1. Компания фаолиятининг асосий мақсади акциядорлар манфаатларида молиявий-хўжалик фаолиятидан фойда олишдир.

2.2. Компания фаолияти доираси куйидагилардан иборат:

- бириктирилган товарлар ва хизматлар номенклатураси бўйича экспорт-импорт операцияларни амалга ошириш;
- деҳқон ва фермер хўжаликлари, кичик ва ўрта бизнес корхоналари маҳсулотини экспортини ташкиллаштириш;
- ташқи савдода воситачилик хизматларини кўрсатиш;
- хорижий давлатларга, ташкилотларга техник ва иқтисодий ҳамкорлик кўрсатиш, хорижий ташкилотлар ва фирмалар иштирокида Ўзбекистон Республикаси ҳудудида тегишли вазирлик ва давлат идоралари билан объектлар куриш;
- хорижий давлатлар билан янги шаклдаги ташқи иқтисодий алоқаларни ривожлантириш ва тадбиқ қилиш бўйича тадбирларни ишлаб чиқиш ва амалга ошириш;
- экспорт ва импорт тизимини мукамаллаштириш бўйича таклифлар ишлаб чиқиш, экспорт ва импорт қилинаётган товарларнинг сифатига ва техник даражасига талабларни ошириш;
- реклама тадбирларини ишлаб чиқиш ва ўтказиш, халқаро савдо ярмаркаларини, кўргазмаларини, симпозиум, конференция, семинарларни ташкил қилиш ва уларда иштирок этиш, манфаатли корхоналар ва ташкилотларни ахборот ва маслаҳатлар билан таъминлаш:
- Компаниянинг ҳуқуқий манфаатларини ҳимоя қилишни таъминлаш;
- факторинг, холдинг ва инвестиция операцияларни ўтказиш;
- агентлик функцияларини бажариш;
- ташқи иқтисодий фаолият бўйича маслаҳат хизмати ва янги турдаги ташқи иқтисодий фаолиятни ривожлантириш ва реклама тадбирлари;
- шартнома асосида ташқи иқтисодий фаолиятни амалга ошириш билан боғлиқ маслаҳат, ахборот ва бошқа турдаги хизматлари кўрсатиш;
- лизинг ва ижара;
- юридик ва жисмоний шахсларга пуллик хизматлар кўрсатиш;
- хизматлар ва маҳсулот экспорти, машина, ускуна, узел, детал, асбоб ва анжомларни импорт қилиш;
- туризм соҳасида хизматлар;
- савдо ва воситачилик фаолияти;
- юридик ва жисмоний шахсларга сервис, агентлик ва маркетинг хизматларини кўрсатиш;
- хусусийлаштириш ва акциялаштиришда иштирок этиш;
- консалтинг хизматлари;
- бизнес-режалаштириш ва молиявий таҳлил;
- чакана ва улгуржи савдо;
- Ўзбекистон Республикаси қонунчилигида тақиқланмаган бошқа фаолият турлари.

Махсус рухсатнома (лицензия) олинishi талаб қилинадиган бошқа фаолият турлари қонунчиликда ўрнатилган тартибда лицензия олингандан кейин амалга оширилади.

3- МОДДА. УСТАВ ФОНДИ

3.1. Компаниянинг устав фонди (устав капитали) акциядорлар сотиб олган Компания акцияларининг номинал қийматидан ташкил топади ва Ўзбекистон Республикасининг миллий

валютасида ифодаланади. Компания томонидан чиқариладиган барча акцияларнинг номинал қиймати бир хил бўлиши керак.

3.2. Компаниянинг устав фонди (устав капитали) Компания мол-мулкининг Компания кредиторлари манфаатларини кафолатлайдиган энг кам миқдорини белгилайди.

3.3. Компания оддий акцияларни жойлаштириши шарт, шунингдек имтиёзли акцияларни жойлаштиришга ҳақли. Жойлаштирилган имтиёзли акцияларнинг номинал қиймати Компания устав фондининг (устав капиталининг) йигирма фоизидан ошмаслиги керак.

3.4. Устав фонди 9 885 850 000 (тўққиз миллиард саккиз юз саксон беш миллион саккиз юз эллик минг) сум миқдориди белгиланган ва 3 350 000 (уч миллион уч юз эллик минг) дона оддий ёзилган эмиссиявий акцияларга бўлинган. Бир дона акциянинг номинал қиймати 2 951 (икки минг тўққиз юз эллик бир) сум.

3.5. Компания устав фонди “Акциядорлик жамиятлари ва акциядорларнинг ҳуқуқларини ҳимоя қилиш тўғрисида” ги қонуннинг 18 моддасида ўрнатилган тартибда акцияларнинг номинал қийматини ошириш ёки қўшимча акциялар жойлаштириш йўли орқали оширилиши мумкин.

3.6. Компания устав фонди “Акциядорлик жамиятлари ва акциядорларнинг ҳуқуқларини ҳимоя қилиш тўғрисида” ги қонуннинг 19 ва 20 моддаларида ўрнатилган тартибда акцияларнинг номинал қийматини камайтириш ёки уларнинг умумий миқдорини камайтириш йўли орқали камайтирилиши мумкин.

4- МОДДА. ҚИММАТЛИ ҚОҒОЗЛАР

4.1. Компаниянинг қимматли қоғозларни чиқариш, рўйхатга олиш, жойлаштириш ва ҳисоблаш тартиби Ўзбекистон Республикаси амалдаги қонунчилигига, Компания уставига мувофиқ белгиланади.

4.2. Компания қонун ҳужжатларига мувофиқ корпоратив облигацияларни ва бошқа қимматли қоғозларни чиқаришга ҳамда жойлаштиришга ҳақли.

4.3. Компания суммаси 9 885 850 000 (тўққиз миллиард саккиз юз саксон беш миллион саккиз юз эллик минг) сумга тенг номинал қиймати 2 951 (икки минг тўққиз юз эллик бир) сумга тенг 3 350 000 (уч миллион уч юз эллик минг) дона оддий ёзилган эмиссиявий акциялар чиқаради.

4.4. Компания жойлаштирилган акцияларга қўшимча номинал қиймати 2 951 (икки минг тўққиз юз эллик бир) сумга тенг 3 350 000 (уч миллион уч юз эллик минг) дона оддий ёзилган эмиссиявий акциялар чиқаришга ҳақли.

4.5. Акция бўлинмасдир. Агар акция умумий мулк ҳуқуқи асосида бир нечта шахсга тегишли бўлса, бу шахсларнинг барчаси бир акциядор деб эътироф этилади ва акция билан тасдиқланган ҳуқуқлардан ўзларининг умумий вакили орқали фойдаланади.

4.6. Акциялар мулк ҳуқуқи ёки бошқа ашёвий ҳуқуқ асосида қайси юридик ёки жисмоний шахсга тегишли бўлса, ўша юридик ёхуд жисмоний шахс акциянинг эгаси - акциядор деб эътироф этилади.

4.7. Компаниянинг акцияларини ва бошқа қимматли қоғозларини жойлаштириш чоғида уларга ҳақ тўлаш пул ва бошқа тўлов воситалари, мол-мулк, шунингдек пулда ифодаланадиган баҳога эга бўлган ҳуқуқлар (шу жумладан мулкӣ ҳуқуқлар) орқали амалга оширилади.

4.8. Компаниянинг қўшимча акциялари ва бошқа қимматли қоғозларини жойлаштириш чоғида уларга ҳақ тўлаш уларни чиқариш тўғрисидаги қарорда белгиланганидан кам бўлмаган нарх бўйича амалга оширилади.

4.9. Компания томонидан акцияларнинг дастлабки чиқарилишини жойлаштириш муддати Компания давлат рўйхатидан ўтказилган пайтдан эътиборан бир йилдан ошмаслиги лозим.

Компаниянинг қўшимча акциялар тўлови ушбу акциялар чиқариш ҳақидаги Қарорда белгиланган жойлаштириш муддати давомида амалга оширилиши лозим.

4.10. Компания акцияларини ва акцияларга айирбошланадиган қимматли қоғозларини очик ёки ёпиқ обуна орқали чиқариш ҳақидаги Қарорга биноан жойлаштиришга ҳақли.

Акцияларнинг очик обунаси фақат қимматли қоғозларнинг биржа бозорида ва уюшган биржадан ташқари бозорида ўтказилади.

4.11. Акциялар ва эмиссион қимматли қоғозларни жойлаштиришнинг имтиёзли тарзда амалга ошириш тартиби қонунчиликда белгилаб қўйилади.

4.12. Акцияларга бўлган ҳуқуқлар акцияларни олувчига унинг депо ҳисобварағига тегишли қирим ёзуви қиритилган пайтдан эътиборан ўтади ва қонун ҳужжатларида белгиланган тартибда депозитарий томонидан бериладиган депо ҳисобварағидан қўчирма билан тасдиқланади.

Акция билан тасдиқланадиган ҳуқуқлар уларни олувчига ушбу қимматли қоғозга бўлган ҳуқуқлар ўтган пайтдан эътиборан ўтади.

4.13. Компания ўзи жойлаштирган акцияларни акциядорлар умумий йиғилишининг жойлаштирилган акцияларнинг бир қисмини олиш ва ушбу акцияларнинг умумий сонини камайтириш йўли билан Компания устав фондини (устав капиталини) камайтириш тўғрисидаги қарорига қўра, шунингдек уларни кейинчалик белгиланган тартибда қайта сотиш мақсадида Кузатув кенгашининг қарорига қўра олишга ҳақли.

5- МОДДА. ДИВИДЕНДЛАР

5.1. Дивиденд Компания соф фойдасининг акциядорлар ўртасида тақсимланадиган қисмидир. Компания акцияларнинг ҳар бир тури бўйича эълон қилинган дивидендларни тўлаши шарт.

5.2. Дивиденд Компания акциядорларнинг умумий йиғилиши қарорига қўра пул маблағлари ёки бошқа қонуний тўлов воситалари ёхуд Компаниянинг қимматли қоғозлари билан тўланиши мумкин.

5.3. Дивиденд акциядорлар ўртасида уларга тегишли акцияларнинг сони ва турига мутаносиб равишда тақсимланади.

Компания молиявий йилнинг биринчи чораги, ярим йиллиги, тўққиз ойи натижаларига қўра ва (ёки) молиявий йил натижаларига қўра жойлаштирилган акциялар бўйича дивидендлар тўлаш тўғрисида қарор қабул қилишга ҳақли.

Компаниянинг молиявий йилнинг биринчи чораги, ярим йиллиги ва тўққиз ойи натижаларига қўра дивидендлар тўлаш тўғрисидаги қарори тегишли давр тугагандан кейин уч ой ичида қабул қилиниши мумкин.

5.4. Дивидендлар Компаниянинг Компания тасарруфида қоладиган соф фойдасидан ва (ёки) ўтган йилларнинг тақсимланмаган фойдасидан тўланади.

5.5. Дивидендлар тўлаш, дивиденднинг миқдори, уни тўлаш шакли ва тартиби тўғрисидаги қарор Компания Кузатув кенгашининг тавсияси, молиявий ҳисоботнинг ишончлилиги ҳақида аудиторлик хулосаси мавжуд бўлган тақдирда, молиявий ҳисобот маълумотлари асосида акциядорларнинг умумий йиғилиши томонидан қабул қилинади. Дивидендлар миқдори Кузатув кенгаши томонидан тавсия этилган миқдордан кўп бўлиши мумкин эмас.

5.6. Дивидендлар тўлаш тўғрисидаги қарорда дивидендлар тўлаш бошланадиган ва тугалланадиган саналар кўрсатилган бўлиши лозим. Дивидендлар тўлаш муддати ва тартиби акциядорлар умумий йиғилиши қарори билан белгиланади. Дивидендларни тўлаш муддати шундай қарор қабул қилинган кундан эътиборан 60 кундан кеч бўлмаслиги лозим.

5.7. Акциядорларга дивидендларни тўлаш тўғрисида қарор қабул қилинган акциядорларнинг умумий йиғилишини ўтказиш учун шакллантирилган Компания акциядорларининг реестрида қайд этилган шахслар акциялар бўйича дивиденд олиш ҳуқуқига эга.

5.8. Компания Ўзбекистон Республикаси норезидент акциядорининг ёзма талабига қўра унга ҳисобланган дивидендларни эркин айирбошланадиган валютага айирбошлаб, маблағларни норезидент акциядор тақдим этган банк ҳисобварағига ўтказиб бериши шарт.

Компания акциядорларининг реестридан олинган, Компания томонидан тасдиқланган қўчирма ҳамда Компания бухгалтериясининг ҳисобланган дивидендлар суммаси ва улар ҳисобланган сана тўғрисидаги маълумотномаси айирбошлаш учун асос бўлиб хизмат қилади.

5.9. Компания :

-Компания устав фондининг ҳаммаси унинг таъсис этилиши чоғида тўлиқ тўлаб бўлинганунига қадар;

-агар дивидендлар тўланадиган пайтда Компанияда банкротлик белгилари мавжуд бўлса ёки Компанияда шундай белгилар дивидендларни тўлаш натижасида пайдо бўлса;

-агар Компания соф активларининг қиймати унинг устав фонди (устав капитали) ва захира фонди суммасидан кам бўлса, акциялар бўйича дивидендлар тўлаш тўғрисида қарор қабул қилишга ҳамда дивидендлар тўлашга ҳақли эмас.

5.10. Компания дивидендларнинг миқдорини улардан ундириладиган солиқларни инобатга олмаган ҳолда, ҳамда тўланадиган дивидендлар миқдори тўғрисидаги маълумотларни қимматли қоғозлар бозорини тартибга солиш бўйича ваколатли давлат органининг ва Компаниянинг расмий веб-сайтларида қонун ҳужжатларида белгиланган муддатларда эълон қилади.

5.11. Эгаси ёки эгасининг қонуний ҳуқуқий вориси ёхуд меросхўри томонидан уч йил ичида талаб қилиб олинмаган дивиденд акциядорларнинг умумий йиғилиши қарорига кўра Компания ихтиёрида қолади.

5.12. Дивидендларга солиқ солиш солиқ тўғрисидаги қонун ҳужжатларига мувофиқ амалга оширилади ва бунда солиқ солиш бўйича имтиёзлар белгиланиши мумкин.

6- МОДДА. ФОНДЛАР

6.1. Компания қуйидаги фондларни яратиши мумкин:

-захира фонди;

-Компаниянинг фаолияти учун зарур бошқа фондлар.

6.2. Захира фонди Компаниянинг зарарлари ўрнини қоплаш, корпоратив облигацияларини муомаладан чиқариш, имтиёзли акциялар бўйича дивидендлар тўлаш ва бошқа маблағ бўлмаса, Компаниянинг акцияларини қайтариб сотиб олиш учун мўлжалланади.

Компаниянинг захира фондидан бошқа мақсадлар учун фойдаланиш мумкин эмас.

6.3. Компаниянинг захира фонди Устав фондининг 15 фоизидан кам бўлмаган миқдорда ташкил қилинади.

6.4. Компания захира фондига соф фойданинг 5 фоизидан кам бўлмаган миқдорини Компания захира фонди миқдори ушбу Уставнинг 6.3. бандида белгиланган миқдорга етгунга қадар ҳар йили ўтказиб туради. Захира фонди тўлиқ ёки қисман ишлатилган бўлса, мажбурий тўловлар қайта тикланади.

6.5. Компаниянинг бошқа фондларини таркиби, мақсади, ташкил қилиш манбалари Култув кенгаши томонидан белгиланади.

7- МОДДА. АКЦИЯДОРЛАРНИНГ ҲУҚУҚ ВА МАЖБУРИЯТЛАРИ

7.1. Акциядорлар қуйидаги ҳуқуқларга эга:

-Компания акциядорларининг реестрига киритилиш;

-депозитарийдаги депо ҳисобварағидан ўзига тааллуқли кўчирма олиш;

-Компания фойдасининг бир қисмини дивидендлар тарзида олиш;

-Компания тугатилган тақдирда ўзларига тегишли улушга мувофиқ мол-мулкнинг бир қисмини олиш;

-акциядорларнинг умумий йиғилишларида овоз бериш орқали Компанияни бошқаришда илгирок этиш;

-Компаниянинг молия-хўжалик фаолияти натижалари тўғрисида тўлиқ ва ишончли ахборотни белгиланган тартибда олиш;

-олган дивидендини эркин тасарруф этиш;

-қимматли қоғозлар бозорини тартибга солиш бўйича ваколатли давлат органида, шунингдек судда ўз ҳуқуқларини ҳимоя қилиш;

-ўзига етказилган зарарнинг ўрни қопланишини белгиланган тартибда талаб қилиш;

-ўз манфаатларини ифодалаш ва ҳимоя қилиш мақсадида уюшмаларга ва бошқа ташкилотларга бирлашиш;

-қимматли қоғозларни олишда зарар кўриш, шу жумладан бой берилган фойда эҳтимоли билан боғлиқ таваккалчиликларни суғурта қилиш.

Акциядорлар қонун ҳужжатларига ва ушбу Компания уставига мувофиқ, бошқа ҳуқуқларга ҳам эга бўлиши мумкин.

7.2. Бир турдаги акция унга эгаллик қилувчи ҳар бир акциядорга шу турдаги акцияларнинг бошқа эгалари билан бир хил бўлган ҳажмдаги ҳуқуқларни беради.

7.3. Оддий акцияларнинг эгалари бўлган акциядорлар ушбу Қонунга ва Компания уставига мувофиқ акциядорларнинг умумий йиғилишида мазкур йиғилиш ваколатига кирадиган барча масалалар бўйича овоз бериш ҳуқуқи билан иштирок этиши мумкин, шунингдек дивидендлар олиш, Компания тугатилган тақдирда эса, ўзларига тегишли улۇшга мувофиқ Компания мол-мулкнинг бир қисмини олиш ҳуқуқига эга.

7.4. Акциядорлар қуйидагиларга мажбурдирлар:

-қимматли қоғозлар бозори фаолиятини тартибга солиш қонуни ва ушбу Уставга риоя қилишга;

-ушбу Уставда кўзда тутилган тартибдаги йўл билан ва миқдорда акцияларни тўлашга;

-Акциядор ўз акцияларига бўлган ҳуқуқларини ҳисобга олиш бўйича хизматлар кўрсатувчи депозитарийни ўзига оид маълумотлардаги ўзгаришлар ҳақида ўз вақтида хабардор қилишга;

-Компания ёки унинг фаолияти тўғрисидаги хизмат, тижорат сирини ёки қонун билан кўрикланадиган бошқа сирни ташкил этувчи ахборотни ошкор қилмасликка.

7.5. Акциядорлар ушбу Уставда ва амалдаги Қонунчиликда кўзда тутилган бошқа ҳуқуқ ва мажбуриятларга эгадирлар.

8- МОДДА. БОШҚАРУВ ТИЗИМИ

8.1. Компаниянинг бошқарув органи қуйидагилар:

- Акциядорлар умумий йиғилиши – Компаниянинг юқори бошқарув органидир;

- Кузатув кенгаши – Компаниянинг умумий фаолиятига раҳбарликни амалга оширувчи органидир;

- Бошқарув – Компаниянинг кундалик фаолиятига раҳбарликни амалга оширувчи коллегиал ижро органидир;

8.2. Компания Назорат органи қуйидагилар:

- Тафтиш комиссияси – Компаниянинг молия-хўжалик фаолиятини назорат қилувчи орган;

- Ички аудит хизмати – Компания бошқарувининг ижро органи, таркибий бўлинмалари, тобе жамиятларини фаолиятини назорат қилади ва баҳолайди.

9- МОДДА. АКЦИЯДОРЛАР УМУМИЙ ЙИҒИЛИШИ

9.1. Акциядорларнинг умумий йиғилиши – Компаниянинг юқори бошқарув органи бўлиб, ушбу Устав ва Акциядорлар умумий йиғилиши ҳақидаги Низом асосида фаолият юритади.

9.2. Акциядорларнинг умумий йиғилишини Компания Кузатув кенгашининг раиси, у узрли сабабларга кўра бўлмаган тақдирда эса, Компания Кузатув кенгашининг аъзоларидан бири олиб боради.

9.3. Компания ҳар йили акциядорларнинг Йиллик умумий йиғилишини ўтказиши шарт.

9.4. Акциядорларнинг Йиллик умумий йиғилиши Компания уставига белгиланган муддатларда, аммо молия йили тугаганидан кейин олти ойдан кечиктирмай ўтказилади.

9.5. Акциядорларнинг йиллик умумий йиғилишидан ташқари ўтказиладиган умумий йиғилишлари навбатдан ташқари йиғилишлардир.

9.6. Акциядорлар умумий йиғилиши кун тартибига киритилмаган масалалар юзасидан қарор қабул қилиш, кун тартибига ўзгартириш киритишга ҳақли эмас. Аниқ масала қўйилишини аниқ эътирдирмайдиган таърифларнинг (шу жумладан, "турли масалалар", "бошқа масалалар", "ўзга масалалар" ва шу сингари таърифларнинг) акциядорларнинг умумий йиғилиши кун тартибига

киригилишига йўл қўйилмайди.

9.7. Овозга қўйилган масала бўйича акциядорлар умумий йиғилишининг қарори, агар ушбу Қонунда бошқача қоида белгиланмаган бўлса, Компаниянинг овоз берувчи акциялари эгалари бўлган, йиғилишда иштирок этаётган акциядорларнинг кўпчилик (оддий кўпчилик) овози билан қабул қилинади.

9.8. 9.12. банднинг а, б, в, д, н хатбошиларида кўрсатилган масалалар бўйича қарор акциядорлар умумий йиғилиши томонидан акциядорларнинг умумий йиғилишида иштирок этаётган овоз берувчи акцияларнинг эгалари бўлган акциядорларнинг тўртдан уч қисмидан иборат кўпчилик (малакали кўпчилик) овози билан қабул қилинади.

9.9. Мол-мулкни сотиб олиш ва тасарруфдан чиқариш билан боғлиқ йирик битимлар бўйича қарор акциядорлар умумий йиғилиши томонидан акциядорларнинг умумий йиғилишида иштирок этаётган овоз берувчи акцияларнинг эгалари бўлган акциядорларнинг тўртдан уч қисмидан иборат кўпчилик (малакали кўпчилик) овози билан фақат Кузатув Кенгашининг тавсияси билан қабул қилинади.

9.10. Акциядорларнинг умумий йиғилишини олиб бориш тартиби бўйича акциядорлар умумий йиғилиши томонидан қарор қабул қилиш тартиби Компания умумий йиғилиши ҳақидаги Низомда белгилаб қўйилади.

9.11. Акциядорларнинг умумий йиғилишини ўтказиш санаси ва тартиби, йиғилиш ўтказилиши ҳақида акциядорларга хабар бериш тартиби, акциядорларнинг умумий йиғилишини ўтказишга тайёргарлик вақтида акциядорларга бериладиган материалларнинг (ахборотнинг) рўйхати жамиятнинг кузатув кенгаши томонидан белгиланади.

9.12. Акциядорлар умумий йиғилишининг ваколат доирасига қуйидагилар киради:

а) Компания уставига ўзгартиш ва қўшимчалар киритиш ёки Компаниянинг янги тизирдаги уставини тасдиқлаш;

б) Компанияни қайта ташкил этиш;

в) Компанияни тугатиш, тугатувчини (тугатиш комиссиясини) тайинлаш ҳамда оралиқ ва якуний тугатиш балансларини тасдиқлаш;

г) Компания Кузатув кенгашининг ва миноритар акциядорлар қўмитасининг сон таркибини белгилаш, уларнинг аъзоларини сайлаш ва аъзоларнинг ваколатларини муддатидан илгари тугатиш;

д) эълон қилинган акцияларнинг энг кўп миқдорини белгилаш;

е) Компаниянинг устав фондини (устав капиталини) кўпайтириш;

ж) Компаниянинг устав фондини (устав капиталини) камайитириш;

з) ўз акцияларини олиш;

и) Компаниянинг ташкилий тузилмасини тасдиқлаш, ижроия органини тузиш, унинг раҳбарини сайлаш (тайинлаш) ва раҳбарнинг ваколатларини муддатидан илгари тугатиш;

к) Компания тафтиш комиссиясининг аъзоларини (тафтишчисини) сайлаш ва уларнинг ваколатларини муддатидан илгари тугатиш, шунингдек тафтиш комиссияси (тафтишчи) тўғрисидаги низомни тасдиқлаш;

л) Компаниянинг йиллик ҳисоботини, йиллик бизнес-режасини тасдиқлаш;

м) Компаниянинг фойдаси ва зарарларини тақсимлаш;

н) Компания кузатув кенгашининг ва тафтиш комиссиясининг (тафтишчисининг) ўз ваколат доирасига кирадиган масалалар юзасидан, шу жумладан Компанияни бошқаришга доир қонун ҳужжатларида белгиланган талабларга риоя этилиши юзасидан Компания Кузатув кенгашининг ҳисоботларини ва тафтиш комиссиясининг (тафтишчисининг) хулосаларини эшитиш;

о) акциялар ва акцияга айирбошланадиган эмиссион қимматли қоғозлар сотиб олишда акциядорларни имтиёзли ҳуқуқни қўлламаслик тўғрисида Қонунда назарда тутилган қарорни қабул қилиш;

п) акциядорлар умумий йиғилишининг регламентини тасдиқлаш;

р) акцияларни майдалаш ва йириклаштириш;

с) Қонунда назарда тутилган ҳолларда йирик битимлар ва аффилиланган шахслар билан битимлар тузиш тўғрисида қарор қабул қилиш;

г) Компания бошқарув органлари фаолиятини белгилайдиган ҳужжатларни тасдиқлаш;

у) Устав, ички ҳужжатлар ва қонун ҳужжатларига мувофиқ бошқа масалаларни ҳал этиш.

Акциядорлар умумий йиғилишининг ваколат доирасига киритилган масалалар Кузатув кенгаши ҳал қилиши учун берилиши мумкин эмас, қуйидаги масалалар бундан мустасно:

Компаниянинг устав фондини (устав капиталини) кўпайтириш, шунингдек Компания уставига Компаниянинг устав фондини (устав капиталини) кўпайтириш билан боғлиқ ўзгартиш ва қўшимчалар киритиш;

Компаниянинг ижроия органини тузиш, унинг раҳбарини ва ўринбосарларини сайлаш (тайинлаш), раҳбар ва ўринбосарининг ваколатларини муддатидан илгари тугатиш;

9.13. Акциядорлар умумий йиғилишининг ваколат доирасига киритилган масалалар Компаниянинг Бошқарув органига ҳал қилиши учун берилиши мумкин эмас.

Акциядорларнинг умумий йиғилишида иштирок этиш ҳуқуқига акциядорларнинг умумий йиғилиши ўтказиладиган санадан уч иш куни олдин шакллантирилган Компания акциядорларининг реестрида қайд этилган акциядорлари эга бўлади.

Акциядорларнинг умумий йиғилишларига тайёргарлик, чақириш, ўтказиш тартиби, санок комиссияси фаолияти, акциядорларнинг умумий йиғилишда иштирок этиш тартиби, овоз бериш ва умумий йиғилиш баённомасини тузиш акциядорлар умумий йиғилишида тасдиқланадиган Акциядорлар умумий йиғилиши ҳақидаги Низомда ва амалдаги қонунда белгиланади.

Акциядорларнинг умумий йиғилиши томонидан қабул қилинган қарорлар, шунингдек овоз бериш якунлари амалдаги Қонунда ҳамда Компаниянинг Акциядорлар умумий йиғилиши ҳақидаги Низомда назарда тутилган тартиб ва муддатларда, бироқ бу қарорлар қабул қилинган санадан эътиборан ўттиз кундан кечиктирмай акциядорлар эътиборига етказилади.

10 МОДДА КУЗАТУВ КЕНГАШИ

10.1. Компания Кузатув кенгаши – Компания фаолиятига умумий раҳбарликни амалга оширади, амалдаги Қонун ва Компания устави билан акциядорлар умумий йиғилишининг ваколат доирасига киритилган масалаларни ҳал этиш бундан мустасно.

Кузатув кенгаши ушбу Устав ва Кузатув кенгаши ҳақидаги Низом асосида фаолият юритади.

10.2. Кузатув кенгаши давлат ишончли вакили билан бирга 7 аъзодан иборат.

10.3. Компания Кузатув кенгашининг ваколат доирасига қуйидагилар қиради:

- Компания фаолиятининг устувор йўналишларини белгилаш;
- акциядорларнинг йиллик ва навбатдан ташқари умумий йиғилишларини чақириш, амалдаги Қонунда назарда тутилган ҳоллар бундан мустасно;

- акциядорлар умумий йиғилишининг кун тартибини тайёрлаш;

- акциядорларнинг умумий йиғилиши ўтказиладиган сана, вақт ва жойни белгилаш;

- акциядорларнинг умумий йиғилиши ўтказилиши ҳақида хабар қилиш учун Компания акциядорларининг реестрини шакллантириш санасини белгилаш;

- Уставнинг 9.12. бандида назарда тутилган масалаларни акциядорларнинг умумий йиғилишига ҳал қилиши учун киритиш;

- мол-мулкнинг бозор қийматини белгилашни ташкил этиш;

- Компаниянинг бошқарув аъзоларини (раисдан ва унинг ўринбосарларидан ташқари) сайлаш (тайинлаш), уларнинг ваколатларини муддатидан илгари тугатиш;

- Компаниянинг йиллик бизнес-режасини маъқуллаш. Бунда Компаниянинг келгуси йилга мўлжалланган бизнес-режаси Компания Кузатув кенгаши мажлисида жорий йилнинг 1 декабридан кечиктирмай маъқулланиши лозим;

- ички аудит хизматини ташкил этиш ва унинг ходимларини тайинлаш, шунингдек ҳар чорақда унинг ҳисоботларини эшитиб бориш, харажатлар сметасини тасдиқлаш;

- Компания ижроия органининг фаолиятига дахлдор ҳар қандай ҳужжатлардан эркин фойдаланиш ва Компания Кузатув кенгаши зиммасига юклатилган вазифаларни бажариш учун бу ҳужжатларни ижроия органидан олиш. Компания Кузатув кенгаши ва унинг аъзолари олинган

ҳужжатлардан фақат хизмат мақсадларида фойдаланиши мумкин;

-аудиторлик текширувини ўтказиш тўғрисида, аудиторлик ташкилотини ва унинг хизматларига тўланадиган ҳақнинг энг кўп миқдорини белгилаш ҳақида қарор қабул қилиш;

-Компаниянинг тафтиш комиссияси аъзоларига (тафтишчисига) тўланадиган ҳақ ва компенсацияларнинг миқдорлари юзасидан тавсиялар бериш;

-дивиденд миқдори, уни тўлаш шакли ва тартиби юзасидан тавсиялар бериш;

-Компаниянинг захира фондидан ва бошқа фондларидан фойдаланиш;

-Компаниянинг филиалларини ташкил этиш ва ваколатхоналарини очиш;

-Компаниянинг шўъба ва тобе хўжалик жамиятларини ташкил этиш;

-амалдаги Қонунда назарда тутилган ҳолларда битимлар тузиш ҳақида қарор қабул қилиш;

-Компаниянинг тижорат ва нотижорат ташкилотлардаги иштироқи билан боғлиқ битимларни қонун ҳужжатларида белгиланган тартибда тузиш;

-Компаниянинг корпоратив облигацияларини, шу жумладан акцияга айирбошланадиган облигациялар чиқариш тўғрисида қарор қабул қилиш;

- Компаниянинг корпоратив облигацияларини қайтариб сотиб олиш тўғрисида қарор қабул қилиш.

-қимматли қоғозларнинг ҳосилаларини чиқариш тўғрисида қарор қабул қилиш;

-ижроия органига тўланадиган ҳақ ва компенсацияларнинг миқдорларини белгилаш;

- йирик битимлар тузиш ҳақида қарор қабул қилиш, Баланс қиймати ёки олиш қиймати битим тузиш тўғрисида қарор қабул қилинаётган санада Компания соф активлари миқдорининг ўн беш фондидан эллик фоизигачасини ташкил этувчи мол-мулк хусусида йирик битим тузиш тўғрисидаги қарор Компания Кузатув кенгашининг аъзолари томонидан бир овоздан қабул қилинади, бунда Кузатув кенгашидан чиқиб кетган аъзоларнинг овози инобатга олинмайди.

-Компания устав фондидан акциялар номинал қийматини ошириш ёки қўшимча акциялар жойлаштириш йўли билан кўпайтириш ва Компаниянинг уставига устав фондидан кўпайтириш билан боғлиқ тегишли ўзгартишлар ва қўшимчалар киритиш, акциялар жойлаштириш ва эмиссия проспекти ёки қимматли қоғозларни аввалги рўйхатига ўзгартириш киритиш ҳақида Қарор қабул қилиш ва тасдиқлаш.

Ушбу қарор Компания Кузатув кенгашининг аъзолари томонидан бир овоздан қабул қилиниши лозим.

-акцияни жойлаштириш нархини белгилаш (биржа ва биржадан ташқари ташкилланган қимматли қоғозлар бозорига чиқариш);

- ҳисобдан чиқариш ҳақида қарор қабул қилинган кундаги ўрнатилган энг кам ойлик иш ҳақининг 1000 баробаридан ортиқ бўлган харажатларни Компания харажатлари ҳисобига ҳисобдан чиқариш ҳақида қарор қабул қилиш;

-агар ёрдам кўрсатиш харажатлари Бизнес-режада тасдиқланган суммадан ошиб кетса, хўйрия, хомийлик ва бошқа жамоат фаолияти билан боғлиқ беғараз тўловларни амалга ошириш ҳақида қарор қабул қилиш;

Кузатув кенгашининг ваколат доирасига амалдаги Қонун ва уставга мувофиқ бошқа масалаларни ҳал этиш ҳам киритилиши мумкин.

Компания Кузатув кенгашининг ваколат доирасига киритилган масалалар ҳал қилиш учун Компания ижроия органига ўтказилиши мумкин эмас.

10.4. Компания Кузатув кенгашининг аъзолари амалдаги Қонунда ва Компания уставига назарда тутилган тартибда акциядорларнинг умумий йиғилиши томонидан бир йил муддатга сайланади. Компаниянинг Кузатув кенгаши таркибига сайланган шахслар чекланмаган тарзда қайта сайланиши мумкин.

Давлат активлари ишончли бошқаруви вакили (ЎР ТИАСИВ ишончли вакили) мансаби бўйича Кузатув кенгаши аъзоси бўлиб, ЎР ТИАСИВ буйруғи асосида тайинланади ва акциядорлар умумий йиғилиши томонидан қайта сайланмайди.

10.5 Компания бошқаруви аъзолари Компаниянинг Кузатув кенгашига сайланиши мумкин эмас. Айни шу Компанияда меҳнат шартномаси (контракт) бўйича ишлаётган шахслар Компаниянинг Кузатув кенгаши аъзоси бўлиши мумкин эмас.

10.6. Компаниянинг Кузатув кенгаши фаолиятини ташкиллаштириш тартиби, унинг

аъзоларини сайлаш, ва уларнинг ҳуқуқ ва мажбуриятлари, Кузатув кенгаши таркибига тайинланадиган шахсларга нисбатан қўйиладиган талаблар акциядорларнинг умумий йиғилиши томонидан тасдиқланган Компания Кузатув кенгаши ҳақидаги Низомда белгилаб қўйилади.

10.7. Компания Кузатув кенгаши Қонунда белгиланган корпоратив бошқарув меъёрларига риоя қилиш ҳақида ҳар йили акциядорлар умумий йиғилишида ҳисобот беради.

10.8. Акциядорлар умумий йиғилишининг қарорига кўра Компания Кузатув кенгашининг аъзоларига улар ўз вазифаларини бажариб турган давр учун ҳақ тўланиши ва (ёки) Кузатув кенгашининг аъзоси вазифаларини бажариш билан боғлиқ харажатларининг ўрни қопланиши мумкин. Бундай ҳақ ва тўловларнинг миқдорлари акциядорларнинг умумий йиғилиши қарорида белгиланади.

11- МОДДА. БОШҚАРУВ

11.1. Компаниянинг кундалик фаолиятини бошқаришни ижроия органи амалга оширади. Компания Бошқаруви бир йил муддатга сайланувчи 5 аъздан иборат.

Бошқарув Раиси ва унинг ўринбосарлари акциядорлар умумий йиғилиши томонидан тайинланадилар ва Вазирлар Маҳкамасининг Қарори билан тасдиқланадилар.

Компания Бошқаруви аъзолари (Бошқарув Раиси ва унинг ўринбосарлари бундан мустасно) Кузатув Кенгаши қарори билан тайинланадилар.

11.2. Компания ижроия органининг ваколатига Компаниянинг кундалик фаолиятига раҳбарлик қилишга доир барча масалалар киради, акциядорлар умумий йиғилишининг ёки Кузатув кенгашининг ваколат доирасига киритилган масалалар бундан мустасно.

11.3. Компания ижроия органи акциядорлар умумий йиғилишининг ва Кузатув кенгашининг қарорлари бажарилишини ташкил этади.

11.4. Компания бошқарув раиси Компания номидан ишончномасиз иш юритади, шу жумладан унинг манфаатларини ифода қилади, Компания номидан битимлар тузади, Компаниянинг филиали ёки ваколатхонаси раҳбарини тайинлайди, штатларни тасдиқлайди, Компаниянинг барча ходимлари бажариши мажбурий бўлган буйруқлар чиқаради ва кўрсатмалар беради.

11.5. Компания бошқарув раисининг, Компания бошқаруви аъзоларининг ҳуқуқ ва мажбуриятлари амалдаги Қонунда, Компания Уставида, Бошқарув ҳақидаги Низом ва уларнинг ҳар бири Компания билан бир йил муддатга тузадиган шартномада белгиланиб, шартноманинг амал қилиш муддатини узайтириш (қайта тузиш) ёки уни тўхтатиш (бекор қилиш) мумкинлиги тўғрисида ҳар йили қарор қабул қилинади.

11.6. Акциядорлар умумий йиғилиши томонидан тайинлаган Компания ижроия органи таркибига кирувчи шахснинг ваколати муддатдан олдин бекор қилинган тақдирда, навбатдаги умумий йиғилишга қадар Кузатув кенгаши қарори асосида белгиланган шахс томонидан унинг мажбуриятлари вақтинча бажарилиши мумкин.

11.7. Компания бошқаруви фаолиятини ташкиллаштириш, унинг аъзоларини сайлаш, ҳуқуқ ва мажбуриятлари акциядорлар умумий йиғилиши тасдиқлаган Бошқарув Низомида ва амалдаги қонунда белгиланади.

11.8. Кузатув кенгаши аъзолари, Бошқарув Раиси ва Бошқарув аъзолари ўз ҳуқуқларини амалга оширишда ва мажбуриятларини бажаришда Компаниянинг манфаатларини қўзғаб иш тутиши лозим.

11.9. Кузатув кенгаши аъзолари, Бошқарув Раиси ва Бошқарув аъзолари қонунга ва ушбу Уставга мувофиқ Компания олдида жавобгардир.

12- МОДДА. ТАФТИШ КОМИССИЯСИ

12.1. Компаниянинг молия-хўжалик фаолиятини назорат қилиш учун Компаниянинг ушбу Уставига мувофиқ акциядорларнинг умумий йиғилиши томонидан бир йил муддатга таркиби 3 (уч) аъздан иборат тафтиш комиссияси сайланади.

12.2. Компания тафтиш комиссияси аъзоларига доир малака талаблари акциядорларнинг умумий йиғилиши томонидан белгиланади. Айни бир шахс айни бир Компаниянинг тафтиш комиссияси таркибига кетма-кет уч мартадан ортиқ сайланиши мумкин эмас. Тафтиш комиссияси аъзолари айни бир вақтда Кузатув кенгаши аъзолари бўлиши ва меҳнат шартномаси (контракт) асосида Компанияда ишлашлари мумкин эмас.

12.3. Компания тафтиш комиссиясининг фаолият кўрсатиш тартиби акциядорларнинг умумий йиғилиши томонидан тасдиқланадиган Тафтиш комиссияси ҳақидаги Низомда белгиланади.

13- МОДДА. ИЧКИ АУДИТ ХИЗМАТИ

13.1. Ижроия органи, филиаллар ва ваколатхоналар томонидан қонун ҳужжатларига, таъсис ва ички ҳужжатларга риоя этилишини, бухгалтерия ҳисобида ва молиявий ҳисоботларда маълумотларнинг тўлиқ ҳамда ишончли тарзда ақс этирилиши таъминланишини, хўжалик операцияларини амалга оширишнинг белгиланган қоидалари ва тартиб-таомилларига риоя этилишини, активларнинг сақланишини, шунингдек Компанияни бошқариш юзасидан қонун ҳужжатларида белгиланган талабларга риоя этилишини текшириш ҳамда мониторинг олиб бориш орқали Компаниянинг ижроия органи, филиаллари ва ваколатхоналари ишини назорат қилиш учун Кузатув кенгашига ҳисобдор ички аудит хизмати ташкил этилади.

13.2. Ички аудит хизматининг асосий вазифаларига қуйидагилар киради::

-Кузатув кенгашини ишончли ахборот билан таъминлаш ва ички аудит амалга оширилиши натижалари бўйича Компания фаолиятини такомиллаштиришга доир таклифлар тайёрлаш;

-Ички аудит жараёнида аниқланган камчиликлар юзасидан бошқарув органига тезкор тавсиялар киритиш, уларни бартараф қилиш назоратини амалга ошириш;

13.3. Ички аудит хизмати ходимлари сони қўйилган мақсадларни ва вазифаларни самарали амалга ошириш учун етарли бўлиши керак ва Компания кузатув кенгаши томонидан иккитадан кам бўлмаган миқдорда сертификатланган ички аудиторлар белгиланади.

13.4. Ички аудит хизмати ходимлари ҳуқуқ ва мажбуриятлари, ички аудит ўтказиш, аудит натижалари бўйича йиғма ҳисобот тайёрлаш, ҳисобот тақдим қилиш талаблари ва ходимлар маъсулияти амалдаги қонунга мувофиқ амалга оширилади.

14- МОДДА. КОМПАНИЯ ФИЛИАЛЛАРИ, ВАКОЛАТХОНАЛАРИ, ШЎЪБА ВА ТОБЕ ЖАМИЯТЛАРНИ ТАШКИЛ ҚИЛИШ ВА ИШЛАШ ТАРТИБИ

14.1. Компания Кузатув кенгаши қарори билан Ўзбекистон Республикаси ҳудудида ва чет элларда Компания томонидан ажратилган мулкка эга бўлган, тасдиқланган Низомлар ва ўрнатилган тартибда рўйхатдан ўтган уставлар асосида фаолият юритувчи филиаллар ташкил этилиши ва ваколатхоналар очишга, шўъба ва тобе жамиятларга эга бўлишга ҳақли.

14.2. Филиал ва ваколатхона юридик шахс эмас. Улар Кузатув кенгаши томонидан тасдиқланган Низом асосида фаолият юритади.

14.3. Филиал ва ваколатхонани бошқариш Компания бошқаруви тайинлаган Компания тақдим этган ишончнома асосида ваколатланган раҳбар томонидан амалга оширилади.

14.4. Шўъба ва тобе хўжалик жамиятлари акциядорлик жамияти ва маъсулияти чекланган жамият шаклида ташкил қилиниши мумкин.

15- МОДДА. ЙИЛЛИК ҲИСОБОТНИ ТУЗИШ, ТЕКШИРИШ ВА ТАСДИҚЛАШ ТАРТИБИ.

15.1. Компания қонун ҳужжатларида белгиланган тартибда бухгалтерия ҳисобини юритиши ва молиявий ҳисобот тақдим этиши шарт.

15.2. Компанияда бухгалтерия ҳисобининг ташкил этилиши, ҳолати ва ишончилиги, тегишли органларга ҳар йилги ҳисобот ва бошқа молиявий ҳисоботлар, шунингдек Компаниянинг

расмий веб-сайтида ва оммавий ахборот воситаларида акциядорларга, кредиторларга тақдим этиладиган Компания фаолияти тўғрисидаги маълумотлар ўз вақтида тақдим этилиши учун жавобгарлик Компания ижроия органининг зиммасида бўлади.

15.3. Компания қуйидаги ҳужжатларни сақлаши шарт:

-Устав, уставга киритилган, белгиланган тартибда рўйхатдан ўтказилган ўзгартиш ва қўшимчаларни, Компанияни ташкил этиш тўғрисидаги қарорни, Компания давлат рўйхатидан ўтказилганлиги ҳақидаги гувоҳнома;ни;

-Компаниянинг ўз балансидаги мол-мулкка бўлган ҳуқуқларини тасдиқловчи ҳужжатларни;

-акциядорларнинг умумий йиғилиши ва Компаниянинг бошқа бошқарув органлари томонидан тасдиқланадиган ҳужжатларни;

-Компаниянинг филиали ёки ваколатхонаси ҳақидаги низомни;

-Компаниянинг йиллик ҳисоботини;

-эмиссиявий қимматли қоғозларни чиқариш тўғрисидаги қарорларни;

-акциялар эмиссия рисоласини;

-бухгалтерия ҳисобига доир ҳужжатларни;

-тегишли органларга тақдим этиладиган молиявий ҳисоботларни;

-Компания акциядорлари умумий йиғилишларининг, Кузатув кенгаши, тафтиш комиссияси (тафтишчиси) ва бошқаруви мажлисларининг баённомаларини, шунингдек бошқарув раисининг буйруқларини;

-Компаниянинг аффилиланган шахслари рўйхатларини;

-Компания акциядорларининг реестрларини;

-Компания тафтиш комиссиясининг, аудиторлик ташкилотининг хулосалари ва ҳисоботларини, назорат қилувчи давлат органларининг текширувлари далолатномаларини.

Компания қонун ҳужжатларига мувофиқ бошқа ҳужжатларни ҳам сақлаши шарт.

15.4. Компаниянинг молиявий-хўжалик фаолияти текшируви солиқ ва молия органлари, бошқа давлат органлари томонидан уларнинг ваколоти доирасида ҳамда аудитор компаниялари томонидан тузилган шартномалар асосида амалга оширилади.

15.5. Аудитор текширувини ўтказиш учун аудитор ташкилотини танлаш Ўзбекистон Республикасининг Хусусийлаштириш, монополиядан чиқариш ва рақобатни ривожлантириш давлат қўмитаси ҳамда Ўзбекистон Республикаси Молия вазирлиги томонидан белгиланадиган рўйхатдан келиб чиққан ҳолда танлов асосида амалга оширилади.

16- МОДДА. НИЗОЛАРНИ ҲАЛ ЭТИШ

16.1. Компаниянинг ташкил этилиши, фаолияти, қайта ташкил этилиши ва тугатилиши, шунингдек акциядорларнинг ҳуқуқларини ҳимоя қилиш соҳасидаги низолар қонун ҳужжатларида белгиланган тартибда ҳал этилади.

17- МОДДА. КОМПАНИЯНИ ҚАЙТА ТАШКИЛ ҚИЛИШ ВА ТУГАТИШ

17.1. Компанияни қайта ташкил қилиш ва тугатиш акциядорлар умумий йиғилиши қарорига мувофиқ қўшиб юбориш, қўшиб олиш, бўлиш, ажратиб чиқариш ва қайта ташкил қилиш шаклида амалга оширилади.

17.2. Қайта ташкил қилиш ва тугатиш Ўзбекистон Республикаси қонунчилигида белгиланган тартибда амалга оширилиши лозим.

Президент Правления
Максудов Амшер Иркинович



Прощуровано и пронумеровано

В. Прищуча

Листов

Председатель Правления
ГАВК "Узинтермпэкс"

